

DÉNES SZILÁGYI

DAMJANICH U 28.A.
BUDAPEST VII.

8.2.31.

C. 17 —

Honorato coidealista,

Me recipe Vestro amabile littera de 4.2.31.

Vos scribe de meo "periodo de quiete". Dole ad me, sed me non cognosce tale. Me es studente de Universitate de Basel, sicut psychologo, sed stude etiam in modo amplo philosophia et ~~psychologia~~ ~~psychologia~~. Ultra isto, me stude in modo speciale psychoanalysisi in seminarios, cursus et "collegios privatissimo" de Societate Psychoanalytico in Hungaria. Me stude opere de summo cogitare Fritz Mauthner, non agnoto de scientia scholare. Et me stude historia de medicina. Sed me non solum stude, sed etiam ede, et necessita vestimento. Ergo me debe continua / dum me mane in Budapest dum plure mensu, in loco de Basel, situatione non agreabile / labore diurnalistico, quem me jam incipe ante longo; pro isto me debe perfectiona me semper in linguas et in stenographia. Et me correpeti, sicut instructore privato, cum discipulos malo de scholas medio. An isto, secundum Vos, es quiete?

Ita me opine, quod non es puro inconstantia, si me non continua labore interlinguistico. Sed Vos non solum blama meo inconstantia, sed etiam meo ideas non claro. Me usque nunc opine, quod meo explanationes in meo articulos, litteras, circulares etc. es satis claro. Et isto, usque nunc, si agnoto etiam per meo adversarios. Sed justo nunc me ~~scribo~~ vol mitte ad Vos articulo "Principios de interlinguistica generale", quod monstra claro systema de meo ideas.

Ad Vestro propositione de initia discussione super regulas etc. de interlinguas, me debe observa: me non habe interesse pro ullo interlinguas, sed dicente "solutore de problema de lingua universal"; interlinguas es inter-

essente pro me solum, sicut specie ignoto de formicas es pro entomologo, aut novo planetoida por astronomo. Isto meo punctu de visa non es novo, et cognito etiam ad Vos de post meo primo litteras et publicationes.

Me non habe tempore de scribe articulos originale pro SetV; et illos, quos me habe parato, es certo ipso minus intelligibile quam articulo de Honti. Es Vestro re, si Vos vol publica meo "principario de interlinguistica generale" et "rudimentos de encyclopaedia interlinguistico", aut non. Pro me, publicatione habe nullo ~~practico~~ practico. importantia. Me offer ad Vos isto duo scripto, solum nam Vos semper invita me in modo affabile de mitte ad Vos articulos. Et, in Vestro litteras praeterito, Vos nunquam specifica isto ad "articulo super scientia popolare, aut de interesse generale, aut de puncto controverso de Interlinguistica", et nullo altero.

Salutationes cordiale de Vestro

Leó Székely

PS. Etiam de meo tempore libero minimale, me offer ad Ap~~y~~ aliquo, nam me accipe redactione de uno Revista de Revistas Hungarico ~~pro~~ SetV.